

Uunga siunnersuut: Najukkat pillugit Inatsisartut inatsisaat nr. xx, xx. xxx 2018-imeersoq

Kapitali 1

Illoqannginnersat, aqquserngit aqqusineeqqallu aqqisa, illuliat normuisa, najukkat, allallu aalajangersarneqarneri. Najukkat pillugit Oqartussat

§ 1. Najukkat pillugit Kommunalbestyrelsi oqartussaaasuullunilu aalajangersaasartuuvoq kommunimi illoqannginnersat-, aqquserngit-, aqqusineeqqallu aqqinut, Inatsisartut inatsisaanni matumani malittarisassat malillugit malittarisassallu tassani atuutsinneqalersimasut naapertorlugit.

Kapitali 2

Aqquserngit aqqi

§ 2. Illoqannginnersat-, aqquserngit- aqqusineeqqallu, ilaattillugit aqquserngup atiata paatsuugassaanngissia nut, nunap assingani isorartussia nut, aqquserngit ilisarnaataannut, tunniussinernut, allannguinernut allagartalersuinernullu malittarisassanik Naalakkersuisut aalajangersaasarput.

Illuliat normui

§ 3. Illoqarfimmi imaluunniit nunaqarfimmi illuliat ataavartut tamarmik illuliap normuanik nalunaarsorneqassapput.

Imm. 2. Illuliat allamut atasut imm. 1-im i piumasaqaammut ilanngunneqanngillat. Taamaalillutik illulianut aalajangersimasunut ataavartunut paatsuugassaanngitsumik atasutut pissusillit, tassa quit, biilinut eqquissiviit assigisaallu namminerisaminnik illuliatut normoqassanngillat.

Imm. 3. Illuliat normui, ilaattillugit illuliat normuisa sanarfinerat aaqqissuussaanerallu, illuliat killilersorneri, ataasiakkaatut taaguusersorneri, tunniunneqarneri allanngortinnerilu pillugit Naalakkersuisut aalajangersakkani aalajangersaasinnaapput.

Illut normui

§ 4. Illut normui tunngavigalugit najukkanik sumiiffersuineremi aaqqissuussineremik peqareertillugu, illoqarfinni nunaqarfinnilu ingerlaavartumik illulianik normulersuisoqartassaaq.

Imm. 2. Illut normuinik, ilaattillugit illut normuisa sanarfinerannik aaqqissuussaanerannillu, illuliat killilersornerinik, ataasiakkaatut taaguusersornerinik, tunniunneqarnerinik, allanngortinnerik allagartalersornerillu Naalakkersuisut malittarisassanik aalajangersaasinnaapput.

Postnormut

§ 5. Naalakkersuisut pisortatigoortumik postnormunik aserfallatsaalialiissapput.

Imm. 2. Isumaqatigiissut malillugu, pisortatigoortunik postnormunik aaqqissuussanik aserfallatsaalialiissamik, Naalakkersuisut POST Greenland-i piginnaatitaafflersinnaavaat.

Imm. 3. Pisortatigoortunik postnormunik aaqqissuussanik aserfallatsaalialiissasoq Naalakkersuisut POST Greenland-i peqqusinnaavaat.

Imm. 4. Imm. 2 aamma 3 malillugu pisortatigoortuusunik postnormunik aaqqissuussaasunik Naalakkersuisut aserfallatsaaliliillutilu nakkutilliisapput.

Imm. 5. POST Greenland tusarniaavigereerlugu inuillu nalunaarsuiffiata atoriaannaaneranut piumpasaqaatinik naammassinnittumik postnormunik aaqqissuusseriaatsip iluani postnormunik aaqqissuussamik ilusilersuinermut aserfallatsaaliuine mullu tunngatillugu Naalakkersuisut aalajangersakkanik aalajangersaasinnaapput.

Sumiiffik

§ 6. Nalunaarsorneqartut inoqarfiiit, ilaattillugit illoqarfiiit imaluunniit numaqarfiiit savaateqarfiillu, aatsitassarsiorfiiit stationilluunniit pillugit sumiiffiit nalunaarsuutaannut maledua gassanik Naalakkersuisut aalajangersaassapput.

Imm. 2. Sumiiffinnik nalunaarsuivik, ilaattillugit sumiiffinnut normut, sumiiffinnut ilisarnaatit, killiffigisamut ilisarnaatit, suussusermut ilisarnaatit, aaqqissuusseriaaseq, inoqarfinnullu paassisutissat allannguutillu killiffiannik nalunaarsuineq pillugit Naalakkersuisut aalajangersakkanik aalajangersaassapput.

Najukkat (adressit)

§ 7. Najugaq taaguutaavoq katitigaq, nunaminertamut sanaartorfiunngitsumut imaluunniit illuliamut, illulialluunniit ilaanut aalajangersimasumut aqqutitut aqquteeqqatulluunniit tikkuussisoq taaguusiisorlu.

Imm. 2. Taanna taaguut katitigaasoq, najugaasoq, makkuninnga imaqarpoq:

- 1) illoqannginnersamik-, aqqusinermik-, aqqusineeqqap aqqanik sumiiffimmilluunniit,
- 2) illup normuanik imaluunniit imaassinaasoq ataasiakkaatut taaguutitalerlugu illuliap normuanik, kiisalu
- 3) postnormumik, postnormoqarfiusumut ateqaataa ilaattillugu.

§ 8. Najukkanut Oqartussaasoq illulianut tamanut, sanaartorfiusimasunut imaluunniit sanaartorfiginissaannut pilersaaruteqarfigineqartunut nunaminertanut tamanut najukkanik aalajangersaasuussaaq, taamaattoq tak. § 9.

Imm. 2. Illulianut tamanut, ilaattillugit inuussutissarsiorfinnut immikkoortukkuutaartunut inissiaqatigiinnullu immikkoortukkuutaartunut, Najukkanut Oqartussaasoq immikkut najukkanut tunngatillugu aalajangersaasuussaaq.

Imm. 3. Illoqannginnersap-, aqquserngup imaluunniit aqqusineeqqap aqqa suna, illup normua suna imaluunniit illuliap normua suna kiisalu ataasiakkaatut taaguutaasinnaasoq ilaattillugu, najukkap taaguutaanut ilaatinneqassanersoq, malittarisassat qaqgukkulluunniit atuuttut qimerluujutigalugit, najukkanik aalajangersaaermut atatillugu, tak. imm. 2, Najukkat pillugit Oqartussaasoq aalajangiisassaaq.

Imm. 4. Najukkat pillugit, ilaattillugit nunap assingani inissisimaffimmut paassisutissat pillugit, aamma imm. 1-im 2-milu eqqaaneqartunit illulianut allaanerusunut, nunaminertanullu sanaartorfiunngitsunut, allanullu najukkanut aalajangersarneqarsinnaaneranni, kiisalu pisuni immikkut ittuni inissiaqatigiit illuliat immikkoortuinut tamanut najukkamik ataasiinnaanngitsumik nalunaarsuisinnaanermik aalajangersaasoqarsinnaanera pillugu Naalakkersuisut malittarisassanik aalajangersaasinnaapput.

§ 9. Kalaallit Nunaanni kommunikkuutaartumik aggorniliat avataanni najukkanik Naalakkersuisut aalajangersaassapput.

Kapitali 3

Piginnittut paassisutissiinissamut pisussaaffiat

§ 10. Illuliamik, illuliap ilaanik assigisaannilluunniit piginnittoq, imaluunniit nunaminertamik atuinissamut pisinnaatitaanermik pigisaqartoq, Najukkanut Oqartussaasoq tamatuminnga qinnuteqarpat, illoqannginnersat-, aqquserngit- imaluunniit aqqusineeqqat aqqinik, najukkanillu aalajangersaanissamut kiisalu tamakkuninnga nalunaarsuinermi atugassanik paasisutissanik nalunaaruteqassaaq. Piginnittoq atuinissamittaaq pisinnaatitaaffimmik pigisaqartoq, Najukkanut Oqartussaasoq tamatuminnga qinnuteqarnera naapertorlugu, paasisutissat eqqortuunerannik uppermarsaassaaq.

Imm. 2. Imm. 1-im paasisutissiinermut pisussaaffik pillugu Naalakkersuisut aalajangersakkanik sukumiinerusunik aalajangersaasinnaapput.

Kapitali 4

Allagartalersuineq

§ 11. Sanaartukkani assigisaannilu illut normuisa allagartaasa, ataasiakkaatut normuisa, illuliat normuisa allagartaasa innersuusinermullu allagartaasa suliarinerinut, pajugutiginerinut, inissinnerinut qaammarsagaanerinullu il.il. tunngatillugu Naalakkersuisut malittarisassanik aalajangersaasinnaapput.

Imm. 2. Najukkat pillugit Oqartussaasup, maleruagassiukkami makkuminnga aalajangersaasinnaanera pillugu, Naalakkersuisut malittarisassanik aalajangersaasinnaapput:

- 1) Ersittumik, pisariaqassappallu qaammarsakkanik, illulianut normunik, illunut normunik, ataasiakkatullu normunik allanillu aalajangersakkat ersiutaannik allagartanik illulianik piginnittup ikkussinissa saa pillugu malerua gassa nik.
- 2) Allagartat pissusaat, ilusaat illuliamilu inissinnerat, ilaattillugit illuliat normui-, illut normui- aamma ataasiakkatut normui Najukkat pillugit Oqartussaasunit allatsinneqarnissaat pillugit maleduagassat tunniusinermullu akitsuummik Najukkat pillugit Oqartussaasut piumasaqarsinnaaneri pillugit maleduagassanik.
- 3) Maleduagassami aalajangersakkap malinnejarnissa saa pillugu illuliamik piginnittumut peqqusisummik Najukkat pillugit Oqartussaasup atulersitsinissa saa pillugu maleduagassanik.

Misissuineq

§ 12. Najukkanut Oqartussaasoq sioqqutsisumik nalunaareernerup kingorna erseqqissumillu kinaassutsimik uppermarsaammik takutitsinikkut illuliap silataanik misissuinissaq najukkallu sumiiffiata aalajangiunnissa siunertaralugu imaluunniit § 11 malillugu malittarisassat aalajangersakkat naapertorlugit allagartalersuinerup suliarineqarsimanaerata misissornissa saa pillugu illuliamut sumulluunniit palligunnissaminut pisinnaatitaa voq.

Imm. 2. Najukkanut Oqartussaasoq sioqqutsisumik nalunaareernerup kingorna erseqqissumillu kinaassutsimik uppermarsaammik takutitsinikkut tamanut ammasut illuliat iluinik misissuinissamut najukkap sumiiffiata aalajangiunnissa siunertaralugu imaluunniit § 11 malillugu malittarisassat aalajangersakkat naapertorlugit allagartalersuinerup suliarineqarsimanaerata misissornissa saa pillugu pisinnaatitaa voq.

Imm. 3. Najukkanut Oqartussaasoq taamaallaat eqqartuussisup aalajanginera tigut, tamanut ammasunngitsunut, najukkallu sumiiffiup aalajangiunnissaanut taamaallaat siunertaqluni imaluunniit ilimagineqarpat allagartaqartitsineq § 11 malillugu malittarisassat aalajangersarneqartut annertuumik saneqqunneqarsimasut, illuliat iluinik misissuinissamut appakaannissamut akuerisaasinnaa voq.

Kapitali 5

Oqartussaassusermi pissutsit

§ 13. Illoqannginnersat-, aqquserngit- imaluunniit aqqusineeqqat aqqi najukkallu pillugit paassisutisanik imalik nuna tamakkerlugu tunngaviusunik paassisutissanik nalunaarsuiffusoq, Kalaallit Nunaata Najukkanut Nalunaarsuiffia, Naalakkersuisut pilersissavaat ineriertorteqqillugulu, taamaattoq tak. imm. 2.

Imm. 2. Kalaallit Nunaata Najukkanut Nalunaarsuiffianik pilersitsinissaq ineriertortitseqqinnissarlu piginneqatigiiffimmut Naalakkersuisut piginnaatitaaaffiliisutigis innaavaat.

Imm. 3. Tunngaviusunik paassisutissat Kalaallit Nunaata Najukkanut Nalunaarsuiffiannut nalunaarutigissallugit Najukkat pillugit Oqartussaasup pisussaaffigaa.

Imm. 4. Najukkat pillugit Oqartussaasup Kalaallit Nunaata Najukkanut Nalunaarsuiffianik ingerlatsineq isumagissavaa.

Imm. 5. Illoqannginnersat-, aqquserngit- aqqusineeqqallu aqqinut, najukkanut ujarliutinut, ataasiakkaatut najukkap sumiiffianut, kommunimut, postnormuanut, najukkap pissusianut aamma ulloq najukkap atuutilerfianut paassisutissat suut Kalaallit Nunaata Najukkanut Nalunaarsuiffianut nalunaarutigineqassaneri pillugit Naalakkersuisut malittarisasanik aalajangersaasapput.

Kapitali 6

Tunngaviusunik paasissutissanik atuineq

§ 14. Nunaminertat pigisat, sumiiffiit, nunap assingi nunalerutillu pillugit pisortani Kalaallit Nunaanni Tunngaviusunik paasissutissanut nalunaarsuiffiini, nalunaarsuinermi, illoqannginnersat-, aqquserngit- imaluunniit aqqusineeqqat aqqinik imaluunniit najukkap sumiiffianik ilaqtuni, suut illoqannginnersat-, aqquserngit- imaluunniit aqqusineeqqat aqqi najukkallu nassaassaaneri pillugit paasisitsiniaanermut Kalaallit Nunaata Najukkanut Nalunaarsuiffia, ilisimaarinnittutut oqartussaasutut paasiniaavittut atorneqartassaaq.

Imm. 2. Pisortani suliffeqarfut Oqartussaasullu nutaanik Kalaallit Nunaata qarasaasiaqarfianik pilersitsinermanni, nalunaarsuutaatitik illoqannginnersap-, aqquserngup aqqaqniq imaluunniit najukkap taaguutaanik imaqtut, ataqtigiiimmik aaqqissuussaatitik ima inissitsitassaavaat, illoqannginnersat-, aqquserngit imaluunniit aqqusineeqqat suut nassaassaaneri pillugit paasissutissiinermi Kalaallit Nunaata Najukkanut Nalunaarsuiffia, ilisimaarinnittutut Oqartussaasutut paasiniaavittut atortassallugu.

Imm. 3. Pisortani oqartussaq illoqannginnersap, aqqusernup aamma inuinnaat aqqutaata aqqani imaluunniit Kalaallit Nunaanni Najukkanut nalunaarsuiffimmi kukkuneqartoq imaluunniit amigaateqartoq paasiguniuk imaluunniit paasitinneqaruni kukkuneqartoq imaluunniit amigaateqartoq, tamanna pillugu paasissutissat najukkanut oqartussamut, Kalaallit Nunaanni Najukkanut nalunaarsuiffimmi iluarsiussamut, nalunaaruteqasaaq.

Kapitali 7

Nakkutilliinermik pisussaaffeqalerneq

§ 15. Kalaallit Nunaata Najukkanut Nalunaarsuiffianut tunngaviusunik paasissutissanik Najukkanut Oqartussaasup nalunaaruteqartarnera Naalakkersuisut nakkutigisaavaat.

Imm. 2. § 13, imm. 2 malillugu Kalaallit Nunaata Najukkanut Nalunaarsuiffianik pilersitsinissamut imaluunniit ineriertortitseqqiinissamut piginnaatitaaffiligaasut, piginneqatigiiffiit, Naalakkersuisunit nakkutigineqasapput.

Imm. 3. Nakkutilliinerup ingerlannissaanut pisariaqartut paasissutissiinerit, paasissutissat allakkiallu, Naalakkersuisut qinnuteqarnerisigut Najukkanut Oqartussaasup imaluunniit piginneqatigiiffiup Kalaallit Nunaanni Najukkanut Nalunaarsuiffimmik pilersitsinissamik ineriertortitsinissamillu piginnaatitaaffilikkap tunniutissavai.

Kapiteli 8

Maalaaruteqarsinnaaneq

§ 16. Inatsisartut inatsisaat manna imaluunniit malittarisassat tamanna malillugu atulersitat malillugit Najukkanut Oqartussaasup aalajangigaa, eqqartuussisoqarnikkut apeqqutit eqqarsaatigalugit, Naalakkersuisunut maalaarutigineqarsinnaavoq.

Imm. 2. Maalaaruteqarnissamut pisinnaatitavaoq:

- 1) taanna, aalajangiinermi pineqartoq, aamma
- 2) kinaluunniit, suliap inernissaanut ataasiakkaatut annertuumik soqtigisaqartutut isumaqarfigineqartoq.

Imm. 3. Maalaaruteqarnissamut piffissarititaq aalajangiinerup maalaarutaasup maalaaruteqarnissamut pisinnaatitaasumut apuunneqarnerata kingorna sapaatit akunnerinik sisamanik sivisussuseqarpoq. Aalajangernermut, tamatuminnga tamanut nalunaarummik suliaqartoqarsimatillugu, maalaaruteqarnissamut piffissarititaq ullormiit tamanut nalunaarutigineqarneraniit naatsorsorneqassaaq. Tamatumunnga immikkut ittumik pissutissaqartillugu, Naalakkersuisut maalaaruteqarnissamut piffissarititamik qaangiineq apeqquaatinngissinnaavaat.

Imm. 4. Naalakkersuisut allamik aalajangiussaqanngippata, aalajangiinermut maalaarut unititsinermik sunniuteqassanngilaq.

Imm. 5. Aalajangiinerit, imm. 1-i malillugu maalaarutigineqarsinnaasut, taamaattoq Naalakkersuisut aalajangiinerisa kingorna kingusinnerpaamik qaammatit arfinillit qaangiutsinnagit, maalaaruteqarsinnaaneq atorneqareersimatinnagu, eqqartuussisunut tunniunneqarsinnaanngillat.

Kapitali 9

Imminut ikiornissamut iliuutsit

§ 17. Najukkat pillugit Oqartussaasup peqqusineratut nunaminertamut atuisinnaatitaanermik pisinnaatitaaffimmik pigisaqartoq imaluunniit illuliamik piginnittoq § 10 malillugu paasissutissanik allakkianillu saqqummiussinngippat imaluunniit § 11 malillugu sulissuteqanngippat, atuisinnaatitaanermut pisinnaatitaaffimmik pigisaqartumut peqqusissutip apuunneqarneraniit siusinnerpaamik sapaatit akunneri marluk ingerlareerpata Najukkat pillugit Oqartussaasoq piginnittup pineqartup imaluunniit atuisinnaatitaanermut pisinnaatitaaffimmik pigisaqartup akiiligassaanik tamakkuningga paasissutissanik allakkianillu piumasagaataasunik katersisinnaavoq.

Imm. 2. Najukkat pillugit Oqartussaasup peqqusineratut nunaminertamut atuisinnaatitaanermik pisinnaatitaaffimmik pigisaqartoq imaluunniit illuliamik piginnittoq § 10 malillugu paasissutissanik allakkianillu saqqummiussinngippat imaluunniit § 11 malillugu sulissuteqanngippat, illuliamik piginnittoq imaluunniit nunaminertamik atuisinnaatitaanermut pisinnaatitaaffimmik pigisaqartoq piffisap sukumiinerusumik aalajangersakkap iluani peqqusissummik naammassinninngippat Najukkat pillugit Oqartussaasoq illuliamik piginnittup imaluunniit nunaminertamik atuisinnaatitaanermut pisinnaatitaaffimmik

pigisaqartup akiligassaanik nammineerluni allagartanik allanilluunniit ikkussuinermik suliaqarsinnaavoq.

Imm. 3. Sulianut imm. 1-i aamma 2 malillugit suliarineqarsimasunut aningaasartuutit uterteqquneqarsinnaasut, atortorissaarusersornikkut (teknikkikku) ikiortinnermut aningaasartuutinik uppermarsaatitalinnik kísalu allaffisornermi aningaasartuutinik uppermarsarneqarsinnaasunik ilaqparyut.

Kapitali 10

Atuutilerfia

§ 18. Piffissaq Inatsisip atuutilerfissa Naalakkersuisut nalunaaruteqarnermikkut aalajangersassaavaat. Inatsisip immikkoortuisa assigiinngitsut, piffissani assigiinngitsuni atuutilernissaat ilaattillugu, Naalakkersuisut aalajangersarsinnaavaat.

Namminersorlutik Oqartussat, ulloq xx. xxx 2018

Kim Kielsen